

Iscrizions di miercus 16 a vinars 18 di Avrîl
LENGHE FURLANE: CORS A GRATIS
PAR DIPENDENTS PUBLICS E CITADINS
Percors formatîfs di nivel di fonde, intermedi, avanzât
In program 30 oris di lezion

Il Centri interdipartimentâl di ricercje su la lenghe e la culture dal Friûl (Cirf) de Universitât dal Friûl al inmanee cors a gratis di lenghe furlane pal personâl dal Ateneu, dai altris ents publics e, tant che scoltadôrs, par ducj i interessâts. Trê i nivei previodûts: di fonde, intermedi e avanzât. I cors a duraran 30 oris e si davuelzaran tes sedis dal Ateneu di Udin, Gurize e Pordenon. La iniziative e je realizade cui fonts de leç 482/99 pe tutele des minorancis linguistichis. Si pues iscrivisi **di miercus 16 a vinars 18 di Avrîl**. Lis schedis informativis e i modui di iscrizion si puedin discjamâ dal sît www.uniud.it/cirf ae vôs “Corsi 2008”. Par altris informazions si pues clamâ il Cirf ai numars 0432 556483/80 o scrivi a cirf@uniud.it.

I dipendents des Aministrazions Publichis e i scoltadôrs interessâts a varan di mandâ il modul di iscrizion al Cirf vie fax al numar 0432 556481. Il personâl de Universitât al varà invezit di mandâ il modul par “Ativitât formative interne” ae Ripartizion personâl-sezion formazion, al fax 0432 556339. Lis iscrizions si acetaran in ordin cronologjic.

I cors a son destinâts al personâl dal Ateneu furlan (personâl tecnic-aministratîf, docents, ricercjadôrs, beneficiaris di assegns, borsiscj, students di dottorât) e dipendents di altris Aministrazions Publichis. A puedin partecipâ, tant che scoltadôrs, ancje students e citadins interessâts. A son in program 14 lezioni di dôs oris, dôs voltis par setemane, e une prove finâl di dôs oris. In plui des dispensis sui argomenti des lezioni, si darà fûr materiâl audio-video. I cors a tacaran lunis ai 28 di Avrîl.